

Gemeinde / Cumeegn Albula/Alvra



Messadi dalla suprastanza communal Albula/Alvra

per la votaziun all'urna da
dumengia, igls 8 da mars 2026

Project da votaziun

approvaziun dalla revisiun totala dalla constituziun commu-
nala
digl cumeegn d'Albula/Alvra



Messadi

per la votaziun all'urna da dumengia, igls 8 da mars 2026

Stimadas votantas e stimos votants

La radunanza communal digls 29 da schaner 2026 ò tracto la revisiun totala dalla constituziun communal e decida unanimamaintg da deliberar ella per mangs dalla votaziun all'urna cun la proposta d'approvaziun.

Igl messadi suandont orientescha las votantas ed igls votants davart la revisiun totala dalla constituziun communal. Tot igls documaints pertutgont la revisiun totala dalla constituziun communal èn nias tarmess gio igls 8 da schaner 2026 ansemen cun l'invitaziun per la radunanza communal digls 29 da schaner 2026.

Per infurmaziuns detagledas davart la revisiun totala dalla constituziun communal Az rinviansa agl messadi ed agls documaints dalla radunanza communal digls 29 da schaner 2026, igls quals son neir consultos sen la pagina d'internet digl cumegn u retratgs tar la canzleia communal. Las novaziuns ainten la constituziun communal, tgi la radunanza communal ò delibero sainza ulteriouras adattaziuns per mangs digl cumegn d'urna, èn descretgas lò an detagl.

Igl attest da votar ed igl cedel da votar, scu er la revisiun totala dalla constituziun communal vignan tarmess ansemen cun chel messadi.

Revisiun totala dalla constituziun communal

Igls 28 da favrer 2014 on Alvagni, Alvaschagn, Brienz/Brinzauls, Mon, Stierva, Surava e Casti decida da fusiunar. Igls 24 d'avost 2014 ò igl cumegn d'urna approvo l'amprema constituziun communal digl cumegn d'Albula/Alvra. La constituziun valevla n'è siva d'alloura ni neida cumplettada ni midada. Perchegl ò la suprastanza communal decida da far ena revisiun cumplagna endesch onns siva dalla fusiun ed ò definia igls prancepis centrals dalla revisiun totala. Ena fegnameira principala dalla revisiun preschainta è d'adattar igl spazi da taimp per las elecziuns digl mastral sen fundamaint dallas experientschas rimnadas. Pinavant èn neidas fatgas las adattaziuns necessarias agl dretg surordino.

Las propostas las pi impurtantas ainten la constituziun communal èn:

- Adattaziun digls termins d'elecziun per igls organs tgi vignan eligias all'urna.
- Da nov duess en cunsegl da scola cun tschintg persungas s'occupar dallas dumondas da scola anstagl d'ena cumischung da scola. Igl cunsegl da scola duess neir eligia all'urna scu igls oters organs.

La suprastanza communalà è laschea elaborar en sboz per la nova constituziun communalà cun igl ageid d'experts externs. Igl cantun Grischun è mess an vista l'approvaziun dalla constituziun communalà.

Proposta dalla radunanza communalà e dalla suprastanza communalà

La radunanza communalà digls 29 da schaner 2026 e la suprastanza communalà proponan alla cuminanza digls votants ed dallas votantas all'urna d'approvar la revisiun totala dalla constituziun communalà.

Igl decret d'ena revisiun totala dalla constituziun è ena cumpetenza dallas persungas cun dretg da votar (art. 33 alinea 1 dalla constituziun communalà existenta). La constituziun scu er eventualas midadas posteriouras a basa dall'approvaziun dalla Regenza digl cantun Grischun aintran an vigour cun l'approvaziun all'urna. La constituziun revedeida totalmaintg ramplazza la constituziun existenta digls 24 d'avost 2014.

Casti, igls 19 da favrer 2026

An nom dalla suprastanza communalà

 

Daniel Albertin

Julia Bonifazi

Mastral

manadra dall'administraziun